



Broj: 03- 19 - 2622 /22
Sarajevo, 28.06.2022. godine

Na osnovu člana 15. Zakona o principima lokalne samouprave u Federaciji BiH („Službene novine Kantona Sarajevo“ br. 46/06 i 51/09) i čl. 3. i 4. Odluke o uslovima, kriterijima i postupku dodjele sredstava za sufinansiranje mjera poboljšanja energetske efikasnosti za objekte individualnog stanovanja („Službene novine Kantona Sarajevo“ broj 42/20), općinski načelnik putem Službe za stambene i komunalne poslove objavljuje

JAVNI POZIV

Vlasnicima objekata individualnog stanovanja na području Općine Centar, za učešće u sufinansiranju mjera za poboljšanje energetske efikasnosti objekata individualnog stanovanja, kao što su:

- a) Izolacija prostora koji se grije ili hladi,
- b) Zamjena dotrajale ili neefikasne stolarije u prostorijama koje se griju ili hlade,
- c) Zamjene energetske neefikasne potrošača efikasnijim,
- d) Zamjena neobnovljivih energenata obnovljivim,
- e) Ugradnja mjernih i regulacionih uređaja,
- f) Zamjena ili ugradnja efikasnih sistema za grijanje, klimatizaciju ili ventilaciju
- g) Te druge mjere na poboljšanju energetske efikasnosti.

1. Općina Centar dodjeljuje sredstva budžeta za sufinansiranje mjera poboljšanja energetske efikasnosti vlasnicima individualnih objekata (slobodno stojeće kuće i kuće u nizu). Općina Centar će sredstva budžeta udružiti sa sredstvima vlasnika individualne kuće, u svrhu poboljšanja energetske efikasnosti individualnog objekta na području Općine Centar.
2. Za učešće u Javnom pozivu, uz prijavu vlasnika individualnog objekta, vlasnik individualnog objekta je dužan dostaviti:
 - a) Dokaz vlasništva ili suvlasništva i legalnosti objekta (Zemljišno knjiški izvadak ili građevinska dozvola ili upotrebna dozvola za objekat za koji se aplicira),
 - b) Pisana saglasnost svih suvlasnika objekta za koji se aplicira na javni poziv, ovjerena od ovlaštenog organa,
 - c) Fotografije vanjskog izgleda objekta sa prikazom svih vidnih fasadnih ploha,
 - d) Kućna lista ovjerena kod ovlaštenog organa,
 - e) Pisana ovjerena Izjava vlasnika objekta da će po sklapanju Ugovora sa odabranim Izvođačem radova i Općinom Centar uplatiti iznos odobranom izvođaču utvrđen ovim Javnim pozivom.

3. Vrednovanje i rangiranje prijava pristiglih na Javni poziv vršit će Radna grupa imenovana rješenjem Općinskog načelnika, za implementaciju mjera predviđenih Javnim pozivom. Radna grupa razmatra prijave zaprimljene na osnovu Javnog poziva, cijeni ispunjenost uvjeta i kriterija, te formira zapisnik s obrazloženjem bodovanja i mišljenja te kreira rang liste aplikanata. Rezultati Javnog poziva o izboru korisnika sredstava bit će objavljeni na (www.centar.ba).
4. Kriteriji za bodovanje aplikacija su stanje ovojnice (fasada i prozori), vrsta energenta koji se koristi za grijanje i broj članova domaćinstva.

Fasade	Maksimalno 15 bodova
Objekat bez fasade	15
Fasada bez toplotne izolacije	10

Prozori	Maksimalno 15 bodova
Drveni prozori sistem „krilo na krilo“	15
Drveni prozori sa vakumiranim staklima	10
PVC ili ALU prozori sa termoizolacionim staklima	5

Energent	Maksimalno 20 bodova
Ugalj	20
Ogrijevno drvo	15
Prirodni gas/lož ulje	10
Električna energija	5

Broj članova domaćinstva	
1 član	1

Obezbijedena novčana sredstva od strane vlasnika objekta a koja su veća od omjera 50% prema predmjeru i predračunu radova	Maksimalno 50 bodova
60%	20
70%	30
80%	40
90%	50

5. Postupak po Javnom pozivu provodi Služba za stambene i komunalne poslove i Radna grupa imenovana rješenjem Općinskog načelnika.
6. Nakon ocjene po kriterijima iz člana 4. obaviće se odabir objekata i formirati preliminarna Rang lista.
Vrednovanje i rangiranje prijava pristiglih na Javni poziv vršit će Radna grupa imenovana rješenjem Općinskog načelnika, za implementaciju mjera predviđenih Javnim pozivom.
7. Nakon provedenog Javnog poziva, Radna grupa dostavlja preliminarnu Rang listu Općinskom načelniku na odobrenje.
8. Općina Centar će obezbijediti Energetski pregled za sve objekte koji budu uvršteni na Rang listu u skladu sa obezbijedjenim sredstvima za ovu namjenu.
9. Nakon pribavljenih Energetskih audita, Radno tijelo će sačiniti konačnu Rang listu objekata za sufinansiranje, koja se dostavlja Općinskom vijeću na razmatranje i usvajanje
10. Postupak Javne nabavke za izvođenje i nadzor radova vrši se putem nadležnih službi Općine Centar. Nadzor nad izvršenjem i provođenjem postupka vrši stručno lice imenovano za nadzor nad izvođenjem radova, od strane Općine Centar.

11. Prijave sa kompletnom dokumentacijom podnose se na protokolu Općine Centar Sarajevo, u zatvorenoj koverti sa naznakom „Prijava za javni poziv sufinansiranje mjera poboljšanja energetske efikasnosti za objekte individualnog stanovanja“

Prijave se predaju svakim radnim danom od 7.30 do 15.30 sati, ili putem pošte na adresu: Općina Centar Sarajevo, Služba za stambene i komunalne poslove, ul. Mis Irbina 1, 71000 Sarajevo.

Javni poziv je objavljen na oglasnoj ploči Općine i na web stranici www.centar.ba, dok će se Obavijest o istom objaviti u dnevnom listu Oslobođenje.

Prijave se mogu podnijeti u roku od 30 dana od dana objavljivanja javnog poziva u dnevnim novinama. Nepotpune i nepravovremene prijave neće se uzimati u razmatranje. O rezultatima javnog poziva podnosioci će biti obaviješteni. U slučaju poništavanja javnog poziva, Općina ne snosi odgovornost prema učesnicima.

Napomena: Sve dodatne informacije mogu se dobiti u Službi za stambene i komunalne poslove Općine Centar Sarajevo na telefon 033 562 – 414.

OPĆINSKI NAČELNIK

Srđan Mandić